

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva unutrašnjih poslova, Vlada Zeničko-dobojskog kantona, na 7. sjednici, održanoj dana 09.02.2023. godine, d o n o s i

ZAKLJUČAK

I.

Prihvata se Mišljenje Ministarstva unutrašnjih poslova Zeničko-dobojskog kantona dato po Inicijativi poslanika u Skupštini Zeničko-dobojskog kantona Rame Isaka, a vezano za izmjene i dopune Zakona o nabavljanju, držanju i nošenju oružja i municije - Prečišćen tekst.

II.

Zaključak sa Mišljenjem Ministarstva unutrašnjih poslova upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23
Datum, 09.02.2023. godine
Z e n i c a

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x a/a.



Broj: 08-02-06/1-1-03-3-175/23 BL

Datum: 01.02.2023. godine.

Stručna služba Skupštine Zeničko-dobojskog kantona uputila je ovom Ministarstvu Inicijativu za izmjene i dopune Zakona o nabavljanju, držanju i nošenju oružja i municije-Prečišćen tekst („Službene novine Zeničko-dobojskog kantona“, broj: 9/13, 1/14 i 13/18), upućen od strane poslanika Rame Isaka, radi davanja mišljenja povodom upućene Inicijative. U tom smislu Ministarstvo unutrašnjih poslova Zeničko-dobojskog kantona daje sljedeće:

MIŠLJENJE

Podnesena Inicijativa za izmjene i dopune Zakona o nabavljanju, držanju i nošenju oružja i municije-Prečišćen tekst („Službene novine Zeničko-dobojskog kantona“, broj: 9/13, 1/14 i 13/18), podrazumijeva da se lovcima koji su zakasnili sa predavanjem zahtjeva, omogućiti da na što jednostavniji način obnove svoje dozvole za držanje i nošenje oružja ili da dobiju nove, da im se oružje ne oduzima odmah po počinjenju prekršaja i da im se u pogledu prekršajne kažnjavanosti, ne oduzima oružje iz razloga narušavanja javnog reda i mira svađom ili drugih prekršaja koji nisu učinjeni uz prijetnju vatrenim oružjem. Ministarstvo unutrašnjih poslova Zeničko - dobojskog kantona, ne podržava podnesenu inicijativu iz sljedećih razloga:

U Zeničko-dobojskom kantonu, nabavka, držanje i nošenje oružja i municije od strane fizičkih i pravnih lica regulisana je Zakonom o nabavljanju, držanju i nošenju oružja i municije-Prečišćen tekst („Službene novine Zeničko-dobojskog kantona“, broj: 9/13, 1/14 i 13/18). U predmetnom zakonu taksativno su navedeni opšti i posebni uslovi za izdavanje odobrenja za nabavku oružja od strane fizičkog lica, odnosno uslovi za izdavanje odobrenja za nabavku oružja pravnom licu, pri čemu je zadovoljavanje tih uslova glavna pretpostavka za izdavanje odobrenja za nabavku oružja, kao i držanje i nošenje istog. S druge strane, ovi uslovi se mogu posmatrati kao zakonska smetnja za izdavanje odobrenja za nabavku oružja, kada nadležni organ ima ovlast odbiti zahtjev za izdavanje odobrenja licu koje ne ispunjava uslove propisane ovim Zakonom.

U pogledu dijela inicijative koji se odnosi na prekršaje protiv javnog reda i mira a koji se smatraju zakonskom smetnjom za ispunjavanje uslova, ističemo da su članom 8. stav 2) navedenog Zakona, propisani opšti uslovi za izdavanje odobrenja za nabavljanje oružja, između ostalog i uslov da u posljednje dvije godine lice nije kažnjeno za prekršaj protiv javnog reda i mira sa elementima nasilja: učestvovanje u tuči, zlostavljanje ili fizički napad na drugog; izazivanje tuče, zlostavljanja ili fizičkog napada na drugog; narušavanje javnog reda i mira naročito drskim ponašanjem; ugrožavanje sigurnosti; izazivanje osjećaja ugroženosti druge osobe, prijetnjom da će napasti na život ili tijelo; pucanje iz vatrenog oružja; odnosno za prekršaj propisan ovim zakonom ili za prekršaj sa elementima nasilja propisan drugim zakonom, kao i za vrijeme dok se protiv tog lica vodi postupak za takve prekršaje.

S tim u vezi, prekršaj protiv javnog reda i mira koji se počini svađom, vikom, nepristojnim ili drskim ponašanjem, nije propisan kao zakonska smetnja za ispunjavanje uslova za izdavanje odobrenja, ili držanje i nošenje oružja, obzirom da isti u sebi ne sadrži elemente nasilja, te se u praksi vatreno oružje ne oduzima od vlasnika koji počine ovaj prekršaj. Takođe, kako je vidljivo iz naprijed navedene odredbe, ne predstavljaju ni svi prekršaji protiv javnog reda i mira zakonsku smetnju za ispunjavanje uslova, već samo prekršaji koji u sebi sadrže elemente nasilja, neovisno od toga da li su počinjeni sa oružjem ili ne. Obzirom da se oružje smatra opasnom stvari, s razlogom su propisani stroži uslovi za njegovu nabavku, držanje i nošenje kao i odredbe koje omogućavaju nadležnom organu da poduzme mjere kojim bi se spriječila zloupotreba oružja, i time zaštitile temeljne ljudske i društvene vrijednosti.

Nadalje, u pogledu dijela inicijative da se licima koja su zakasnila da podnesu zahtjev za produženje važnosti oružnog lista, kroz zakonske odredbe omogućí da na što jednostavniji način obnove svoje dozvole i dobiju nove, ističemo da je svim vlasnicima oružja, koji nisu ispoštovali zakonom propisani rok i u roku od 60 dana prije isteka roka važnosti oružnog lista podnijeli zahtjev za produženje važnosti oružnog lista, u skladu sa Zakonom oduzeto vatreno oružje i municija. Ovi vlasnici oružja, u skladu sa postojećim odredbama Zakona o nabavljanju, držanju i nošenju oružja i municije, imaju pravo da ponovo podnesu zahtjev za izdavanje odobrenja za nabavku oružja, i ostvare mogućnost da opet postanu vlasnici oružja, uz ispunjavanje propisanih uslova.

U vezi sa svim naprijed navedenim razlozima, ovo Ministarstvo ne prihvata podnesenu Inicijativu te ukazuje na još jednu bitnu okolnost u pogledu propisa o oružju, koja se odnosi na obaveze Bosne i Hercegovine, a time i kantona, da u skladu sa Izvještajem Evropske komisije za Bosnu i Hercegovinu, usklade propise o oružju sa Direktivom (EU) 2021/555 Evropskog parlamenta i Vijeća od 24. ožujka 2021. o nadzoru nabave i posjedovanja oružja. U skladu s tim, odredbe Zakona o nabavljanju, držanju i nošenju oružja i municije na području Zeničko-dobojskog kantona su u pogledu odredbi o ispunjavanju opštih i posebnih uslova za nabavku oružja, kao i odredbi o oduzimanju oružja, usklađene sa aqisem EU, te bi svako blaže propisivanje istih, bilo suprotno naprijed navedenoj obavezi.

S poštovanjem!

Dostavljeno: 2x Naslovu,
1x a/a

MINISTAR

Benjamin Sinanović